

ლიტერატურული მესხეთი

№2 (182)
თებერვალი
2014 წელი
ფასი 40 თეთრი

გამოცემის მეთაქვსეხეტი წელი

“LITERATURULI MESKHETI”

“ЛИТЕРАТУРУЛИ МЕСХЕТИ”

„ლიტერატურული მესხეთი“ – 15

გაზეთ „ლიტერატურული მესხეთის“ შემოქმედებით კოლექტივს

ძვირფასო მეგობრებო!
საქართველოს მწერალთა კავშირი გულმხურვალედ, დიდი სიყვარულითა და პატივისცემით გილოცავთ თქვენთვის და ჩვენთვის, სრულიად საქართველოსთვის უძვირფასესი გაზეთის – „ლიტერატურული მესხეთის“ დაარსების მე-15 წლისთავს.
ამ ხნის განმავლობაში „ლიტერატურული მესხეთი“ მოახერხა ქვეყლიყო ძალზე სერიოზულ და სოლიდურ გამოცემად, დაემსახურებინა საყოველთაო მოწონება, აღიარება და დაკავებინა საპატიო ადგილი ქართულ ლიტერატურულ გამოცემებს შორის. ჩვენმა საყვარელმა გაზეთმა თითქმის შეუძლებელი შესძლო, რადგანაც უარი თქვა ბოლო დროს დამკვიდრებულ იაფფასიან კლიშეებზე და ბოლომდე უერთგულა ათასწილადი ქართული მწერლობის სახელოვან ტრადიციებს.
„ლიტერატურული მესხეთს“ გვერდს ვერ აუვლის საქართველოს ამ უმკაცრესი და, ამავე დროს, უმშვენიერესი კუთხის ვერც ერთი მკვლევარი, ვინც დაინტერესებულია მესხეთის ისტორიის, ეთნოგრაფიის, ფოლკლორის შესწავლით.
„ლიტერატურული მესხეთის“ დღევანელი კარგად მოეხსენება თანამედროვე საქართველოს. ამიტომაც გინდით უღრმეს მადლობას გაზეთის შემოქმედებით კოლექტივს და, განსაკუთრებით კი, ბატონ ავთანდილ ბერიძეს, რომელიც სიზიფესავით შეეჭიდა უზარმაზარ ტვირთს, მოვალეობას, პასუხისმგებლობას იმ საშინელ, ნიჰილიზმითა და განუკითხაობით სავსე წლებში და იმავე სიზიფესავად განსხვავებით შეუძლებელი შესძლო – თავის თანამოაზრეებთან ერთად შექმნა მესხეთის უძველესი კულტურული ტრადიციების საკადრისი ლიტერატურული ორგანო.
„ლიტერატურული მესხეთის“ ბაიბლი, როგორც რწმენის, ერთგულების, სათნოების სიმბოლო.
საქართველოს მწერალთა კავშირი



გაძლიერებას ვუსურვებ ჩემს საყვარელ გაზეთს

გაზეთი „ლიტერატურული მესხეთი“ კარგახანია იქცა არამარტო ჩვენი დიდებული სამცხე-ჯავახეთის ლიტერატურული ცხოვრების საშუალებად, არამედ, სრულიად საქართველოს სამწერლო გაზეთად. დიდია მისი ავტორიტეტი. „ლიტერატურული მესხეთი“ ბეჭდავს არამარტო ქართული სიტყვაკაზმული მწერლობის მსახურთა საუკეთესო ნააზრევს, არამედ ღრმანალიზიან, სანდო, ავტორიტეტულ მეცნიერულ წერილებსაც. მე, პირადად, აღფრთოვანებული ვარ, რომ საქართველოს ამ ძირძველი კუთხის გაზეთი, სადაც გენიალური რუსთაველი დაიბადა, ფეხდაფეხ მიჰყვება მთელი საქართველოს კულტურულ ცხოვრებას, ბეჭდავს საუკეთესო სტატიებს თვით რუსთაველზე, მრავალტანჯული სამცხე-ჯავახეთის სოციალურ-ეთნიკურ თავისებურებებზე, ამ კუთხის ისტორიულ ბედზე და ენათმეცნიერულ გამოკვლევებზეც, იმ დიდებულ წვლილზე, რაც მესხურმა დიალექტმა საერთო ქართული ენის შექმნა-ჩამოყალიბებაში, მისი ბალავარის განმტკიცებაში შეასრულა.
გაძლიერებას, გაძლიერებას ვუსურვებ ჩემს საყვარელ გაზეთს. დარწმუნებული ვარ, იგი მრავალჯერ თხუთმეტ წელს კიდევ მოითვლის ქართული ენისა და კულტურის შენარჩუნების უძნელეს გზაზე.
ამის თქმის საფუძველს მაძლევს „ლიტერატურული მესხეთის“ ირგვლივ შემოკრებილი რაზმი ქართველი მწერლებისა და მეცნიერებისა, განსაკუთრებით, ამ გაზეთის რედაქტორი, ნიჭიერი პოეტი და საზოგადო მოღვაწე ავთანდილ ბერიძე, რომელმაც საკუთარი მხრებით ზოდა გაზეთის გაცოცხლებისა და შენარჩუნების ილიასული ტვირთი.
რევაზ მიშვილაძე,
რუსთაველის პრემიის ლაურეატი, ქართული პროზის რაინდის ტიტულის მფლობელი.

„ლიტერატურული მესხეთის“ მთავარ რედაქტორს ბატონ ავთანდილ ბერიძეს

ბატონო ავთანდილ,
„ლიტერატურული მესხეთის“ მთელ შემოქმედებით კოლექტივს გულწრფელად ვულოცავ გაზეთის დაარსებიდან თხუთმეტი წლის გასვლას.
თხუთმეტი წელი არც თუ ისე მოკლე მანძილია, თუმცა მრავალწლიანობა წინ გელოდებოდა და თქვენი თავკაცობით, გვეჯერა, კიდევ უფრო მრავალი მკითხველი გეყოლებათ მომავალში.
ვის, თუ არა განათლებულ, წიგნის მოყვარულსა და ყურნალ-გაზეთებზე უზომოდ შეყვარებულ ქართველ კაცს სჯერა იმისა, რომ პრესის მიზანი ძველებურად, ქვეყნის ან მისი შემადგენელი კუთხის მოსახლეობაზე მრავალფეროვანი ინფორმაცია-მასალების მიწოდებაა. თქმა არ უნდა, გაზეთი თუ სხვა პერიოდული გამოცემა, პირველყოფისა, უნდა ასახავდეს ადგილობრივ მცხოვრებთა ინტერესებს და აკმაყოფილებდეს მათი გონებრივი და სოციალური ვითარების დონე-ხარისხს.
იქ, სადაც საზოგადოება ნაკლებად ინტერესდება ასეთი გამოცემებით, საქმე მთლად კარგად ვერა და მომავალიც ბუნდოვანია. განა სადავოა ის ქვეყნობა, რომ ინტელექტისა და განათლების ამამაღლებელ საშუალებათა დაკნინება ცუდის ნიშანია?! რბილად იქნება ნათქვამი თუ ამაში გარკვეულწილად,

მსოფლიოს მასშტაბით მეტისმეტად ფრთაშესხმულ საინფორმაციო საშუალებათა მოზღვაუვებას დაგადანაშაულებთ მხოლოდ.
თქვენს დიდებულ შემოქმედებით კოლექტივს სისხლხორცეულად აქვს გათავისებული, რომ აუცილებელია ყველა ნომრიდან მკითხველს მიანოდო ახალი სიტყვა-მოსაზრება და მასთან ერთად იმსჯელო, თორემ წარმატება განზე გადგება, რადგან ნათქვამის გამეორება მოსაბეზრებელი და უინტერესოა კიდევ.
სწორედ ამიტომ მახარებს „ლიტერატურული მესხეთის“ მიერ სახელოვნად განვლილი თხუთმეტი შესანიშნავი წელი.
უკან დაბრუნებულმა პერიოდმა თვალნათლივ დაგვანახა, რომ ამ გამოცემამ ეროვნული საზოგადოების ფრიად დიდი ნაწილის ყურადღება მიიპყრო.
პირადად მე, ას წელს მიტანებული კაცი, ორმოცამდე პოეტური კრებულის ავტორი, ყოველთვის მოუთმენლად ველოდები „ლიტერატურული მესხეთის“ ახალი ნომრის სურნელთან შეხვედრას...
კიდევ ერთხელ გილოცავთ სახელოვან თარიღს და გისურვებთ ჩვენი სამშობლოს გამორჩეულად ძვირფასი და საამაყო კუთხის, მესხეთის თბილი ხალხის დიდ სიყვარულსა და გვერდში დგომას.
**პატივისცემით,
თქვენი ვასილ გვიტაძე**

„ხე ნაყოფით იცნობა“...

„ხე ნაყოფით იცნობა“ – უთქვამს წინაპარს. მართლაც რომ ასეა. გაზეთი კი თავისი დამოკიდებულებით მიმდინარე მოვლენებისა თუ წარსულის მიმართ, თავისი სწორი პოზიციით და მაღალი სულიერებით. ისიც იქნეს სულსა და სიცოცხლეს გამოსვლის შემდეგ.
15 წლის წინათ დაბეჭდილი „ლიტერატურული მესხეთი“ ზუსტად ისევე მაღალი ღირებულებით იყო სავსე, როგორც დღევანდელი. გაზეთის თავკაცზე ბევრია დამოკიდებული და ავთანდილ ბერიძე რომ თავად არის საუკეთესო ქართული თვისებების მატარებელი კაცი, ეს გაზეთსაც ეტყობა.
15 წელი გასულა. 15 წელი კი ბევრია და არა ცოტა, ეს წლები გაზეთისთვის იყო სიახლის ძიების წლები და ამას მშვენივრად ახერხებდა გამომცემელთა, ყურნალისტთა, ავტორთა ჯგუფი.
„ლიტერატურული მესხეთი“ ჩემი გაზეთია იმიტომ, რომ აქ ყოველთვის ვპოულობ იმას, რაც მაინტერესებს. განსაკუთრებით აღსანიშნავია გაზეთის და მისი თავკაცის როლი „მოთაობის“ დღესასწაულის განახლებაში და ამ დღისთვის ლიტერატურულ კონკურსში გამარჯვებული ავტორების გამოვლენაში.
2010 წელს თავად გახლდით ამ კონკურსის გამარჯვებული და დღესაც, როცა ეს ამბავი მახსენდება, დიდი სითბოთი და მადლიერებით მევსება გული.
„ლიტერატურული მესხეთი“ კიდევ იმიტომ არის ჩემი გაზეთი, რომ ის ისევე მოიცავს მთელ საქართველოს, როგორც მესხეთს, არის საუკეთესო ეროვნული ტრადიციების წარმომჩენი და გამგრძელებელი.
იუბილეს გილოცავთ ძვირფასო კოლექტივს!
გისურვებთ თქვენც და თქვენს პირმშოსაც დიდხანს, ძალიან დიდხანს სიცოცხლეს საქართველოს საკეთილდღეოდ.
მარინა თიქთუშანიძე,
საქართველოს ყურნალისტთა კავშირის პასუხისმგებელი მდივანი, პოეტი

ვულოცავ იუზილეს გაზეთ „ლიტერატურულ მესხეთს“

საქართველოში არ მეგულება გაზეთი, რომელსაც იმხელა პასუხისმგებლობა ჰქონდეს დაკისრებული მშობლიური ერის და მწერლობის წინაშე, როგორც აქვს გაზეთ „ლიტერატურულ მესხეთს“...

მეორე გარემოება, რომელიც ზრდის გაზეთის პასუხისმგებლობას, არის ის, რომ იგი გამოდის ეთნიკური თვალსაზრისით ერთ-ერთ ურთულეს რეგიონში...

ამ გაზეთის შესახებ კიდევ ბევრი კეთილი სიტყვის თქმა შეიძლება, მაგრამ ახლა ეს ვიკნაროთ. გაზეთ „ლიტერატურული მესხეთის“ რედაქციას ვულოცავ საიუბილეო თარიღს...

რედაქტორს, - ავთანდილ ბერიძეს, - ნიჭიერ პოეტს და პუბლიცისტს კი ვუსურვებ ჯანმრთელობას, ხანგრძლივ სიცოცხლეს და შემოქმედებით წარმატებებს.

პატივისცემით, ზონდო არველაძე, არმენოლოგი, ფილოლოგიის მეცნიერებათა დოქტორი, პროფესორი.

* * *

გაზეთ „ლიტერატურული მესხეთის“ რედაქტორს ბატონ ავთანდილ ბერიძეს და ეროვნული სულით გაუღმერთებულ მთელ სარედაქციო საბჭოს მოგესალმებით და დიდი სიხარულით გილოცავთ ამ, მართლაც და მამულიშვილური გაზეთის...

ვისურვებთ, სამშობლოს საკეთილდღეოდ მოღვაწეობის ფაშას არასდროს დაგაღწეოთ კალამი.

გულწრფელი სიყვარულით და პატივისცემით ქართველ მწერალთა ერთი ჯგუფი: ეთიარ ზარიძე, დალი ყარაშულაშვილი, ქეთიკან დოლიძე, თამარ შარაშვილი, ამირან ჯამბუაძე, მირაბ სადლოვაშვილი, რევაზ აბოხანიძე

* * *

გაზეთ „ლიტერატურული მესხეთის“-ს რედაქტორს ბატონ ავთანდილ ბერიძეს, სარედაქციო საბჭოს და მკითხველებს გულითადად ვულოცავთ მისი დაარსებისა და მოღვაწეობის თხუთმეტი წლისთავს.

„ლიტერატურულმა მესხეთმა“ დიდი ამაგი დასდო ეროვნული სულიერების ამაღლებას. მას გზას უნათებდა, გალაკტიონის სიტყვებით რომ ვთქვათ, - „სამშობლოს გრძნობა გასაკვირველი მზის მხურვალეობა გარს რომ ავლია“...

ვუსურვებთ, არასდროს განელტულებულიყოს ეს გრძნობა და მხურვალეობა. საყმაწვილო გაზეთის - „ციცინათელა“-ს რედაქტორ-გამომცემელი აბაქო ბრეზაძე

ბილოსავში!

გასული საუკუნის 90-იან წლებში მომხდარმა პოლიტიკურმა კატაკლიზმებმა, კერძოდ, საბჭოთა იმპერიის რღვევამ და სიკვდილმა, განსაკუთრებული დაღი დაასვა ადამიანის სულიერ ცხოვრებას.

სხვადასხვა სახის ღირებულებათა გადაფასებამ და დამკვიდრებულმა ქაოსმა, ერთგვარად, ქართული სიტყვაც გააუფასურა, რამაც გამოიწვია ფსევდომწერლების, ფსევდოლიტერატურის და ფსევდომახმედიის სოკოებივით მომრავლება.

სწორედ ასეთი განუკითხაობისა და ქაოსის პერიოდში დაიბადა ქართული კულტურის ერთ-ერთ ფორცენტრში, ქართველი კაცისა და სრულიად საქართველოს სინდის-ნამუსის „ვეფხისტყაოსნის“ გენიალური ავტორის - შოთა რუსთაველის მშობლიურ კუთხეში - მესხეთში, გაზეთი „ლიტერატურული მესხეთი“, რომელიც, ავტო უკვე თხუთმეტი წელიწადია თავისი მყარი და გაუზზარავი ხმით ამცნობს სრულიად საქართველოს აქაური, და არა მარტო აქაური, კაცის სულის ყივილს, გულის ნადებს, ტკივილსა და სიხარულს.

„ლიტერატურული მესხეთი“ იმ ფასდაუდებელი ტრადიციებისა და მეტად საჭირო ნოვაციის ჰარმონიითაა გაჯერებული-გაზაგებული, როგორც გუმბინდელი, დღევანდელი და ხვალისდელი საქართველოს სჭირდება ჰაერივით.

აჭარაში გამოშვებული სალიტერატურო-სამხატვრო და საზოგადოებრივი ჟურნალი „ჭოროხი“ გულწრფელად ულოცავს „ლიტერატურული მესხეთის“ რედაქციას, მის თავკაცს, პოეტს, პუბლიცისტსა და საზოგადო მოღვაწეს, ბატონ ავთანდილ ბერიძეს ამ ლამაზ იუბილეს.

სანდრო ბერიძე, ჟურნალ „ჭოროხის“ მთავარი რედაქტორი

მრავალკუთხედი!

გაზეთ „ლიტერატურული მესხეთის“ 15 წელი შეუსრულდა. ეს სიჭაბუკის პერიოდი, მაგრამ დაბეჭდვით შემიძლია ვთქვა, იგი დიდი ხანია გამოსულია სიჭაბუკის ხანიდან და უკვე დაბრძნებული, მე ვიტყვით, დამაჯერებელი ნაბიჯით წინ მიიწევა. ბარაქლამა მათ, ვინც იგი ამქვეყნად მოაველინა, ვინც ძუძუ აწოვა და აკვანი ურწანი იმ გაჭირვების ფაშს, როცა გაზეთი გამოვიდა იმ სივრცეში. შიმშილისა და სიცივის პერიოდში იგი იყო მესხთა სულიერი საზრდო და ანთიპული კვარავით გულში ცეცხლს უნთებდა ახალგაზრდებს, რომ გაეთბო და მამვრალისთვის ჭისკენ მიმავალი გზა გაეკვალა. ბარაქლამა იმ ვაჟკაცებს, ვინც ქედი შეაშველა და მთელი ის სიმძიმე თავის თავზე აიღო, რომ გაზეთი დღემდე მოსულიყო, ზრუნვა არ მოაკლო, რომ მესხთა გულის წადილი გამოემზებურებინა. მე ჩემი მოკრძალებული, რამდენიმე მოთხრობა გამოვაქვეყნე ამ გაზეთში, სადაც ჩემი წინაპრების სათქმელი გაზეთის ენით ვთქვი და მათი ვარამი ზიარად დაუდევნი ფეხ-შუმზე მომავალ თაობას, რათა წარსული არ დაავინწყდეს და ეს ვარამი საგზოდად წაიღოს, ვიდრე მომავალით ვახმამად დაჯდებოდეს.

ვულოცავ გაზეთის რედაქტორს და მთელ სარედაქციო საბჭოს ამ ღირსშესანიშნავ თარიღს. ვუსურვებ წარმატებებს, შემოქმედებით წინსვლას და გამარჯვებას.

ზელიმხან მალრაძე

* * *

თვიდან თვემდე მოუთმენლად ველოდებით ახალი ნომრის გამოსვლას და აი ამ ლოდინ-გამოსვლის სიხარულში თხუთმეტი წელიც გასულა...

ღმერთმა უთვალავჯერ თხუთმეტად აქციოს ეს თხუთმეტი წელი. გაზეთ „ლიტერატურული მესხეთის“ რედაქციას და მის რედაქტორს ბატონ ავთანდილ ბერიძეს გულითადად ვულოცავთ გაზეთის თხუთმეტი წლისთავს და ვუსურვებთ მხნეობას ამ მართლაც და მამულიშვილურ საქმიანობაში.

თბილისის მთავარი ბიბლიოთეკის კოლექტივის და ერთგული მკითხველების სახელით, ბიბლიოთეკის დირექტორი ცილა კალმახელიძე.

წმინდანები

უდიდესი წმინდა ღვთისმეტყველი მღვდელმთავრები

ქრისტიანული მართლმადიდებლური სა-მოციქულო ეკლესია ყოველწლიურად - 12 თებერვალს, განსაკუთრებული სიყვარულითა და პატივისცემით აღნიშნავს უდიდესი წმინდა მღვდელმთავრების: ვასილი დიდის, გრიგოლ ღვთისმეტყველისა და იოანე ოქროპირის ხსენების დღეს.

ყოველად უზენაესი ძალის განგებით, ამ სამი უბრწყინვალესი მღვდელმსახურის ცხოვრება და მოღვაწეობა თითქმის ემთხვევა ერთსა და იმავე ისტორიულ ხანას. საფიქრებელია, სწორედ ამიტომაც, მსოფლიო მართლმადიდებლური ეკლესიის წინამძღოლთა გადაწყვეტილებით, მართებულად იქნა მიჩნეული მათი ხსენების დღესასწაულის ერთ თარიღში გაერთიანება.

აქვე აღსანიშნავია ის ფაქტიც, რომ დღემდე შექმნილ უამრავ ხატში სამივე ერთად ნარმოჩენილი. მიმაჩნია, ესეც, ყოველანაირად სამების სამსახურანებისა და განუყოფლობის მსგავსად, შინაარსობრივად, კაცობრიობას ამ დიდებული წმინდანების ერთობლიობაზე მიგვანიშნებს.

ქვირფასო მკითხველო, ახლა კი მოკლედ ვისაუბროთ თითოეულ მათგანზე ცალ-ცალკე.

ვასილი (ბასილი) დიდი. წმინდა ვასილი დიდი დაიბადა 330 წელს კაბადოკიაში. სწავლა-განათლება კესარიას, კონსტანტინოპოლსა და ათინაში მიიღო. ამის შემდეგ, საკუთარი დის - წმინდა მაკრინას რჩევით, დიდი მონღომბითა და გულისყურით შეისწავლა საღვთო წერილის წიგნები, მოიარა მრავალი უდაბნო და ძირფსვიანად გაცნო მონაზონთა ცხოვრებას. მანვე ააშენა ბევრი მონასტერი და, რაც მთავარია, მეუღაბნოეთათვის შეადგინა კანონი.

მისი მოღვაწეობის პერიოდში გავრცელებული იყო არიოსის ცრუ სწავლება, რომელიც ეწინააღმდეგებოდა მართლმადიდებლობას. სწორედ ამიტომ, კესარიის იმდროინდელმა მთავარეპისკოპოსმა - ევსევიმამ, უდაბნოდან დაბრუნება სთხოვა წმინდა ვასილს და საკუთარი სურვილით, თავისი საგარეოეც კი დაუთმო.

ქვეყნის მაშინდელი იმპერატორი ვალენტი არიოსის მიმდევარი და მართლმადიდებლობის დაუძინებელი მტერი იყო. მან ცრუ სწავლების გავრცელება მიანდო მთავარმართებელ მოდესტს, რომელიც ყოველმხრივ შეუზღუდავი უფლებებით აღჭურვა სწორედ იმ მიზნით, რომ როგორმე მოედრიკათ დიდი წმინდანი და გაენადგურებინათ მართლმადიდებლობა.


მოდესტმა დაიბარა მღვდელმთავარი ვასილი და მოღვაწეობის შეწყვეტა ურჩია, წინააღმდეგ შემთხვევაში სხვა ქვეყანაში გადასახლებითა და მოკვლითაც კი დაემუქრა, რაზედაც ასეთი გულგრილი და ამაყი პასუხი მიიღო:

„ის არ კარგავს ქონებას, ვისაც არა აქვს რა, გარდა ამა ძაძისა და ცოცხა წიგნებისა, რომელნიც შეადგენენ მთელ ჩემს სიმდიდრეს; სხვა ქვეყანას გაგზავნა მე არ მაშინებს, იმიტომ რომ ყოველი ქვეყანა ღვთისაა; ნვალეა რაღას მიქმს მე? სიკვდილიც ჩემთვის სიკეთეა, იმიტომ რომ ის მალე მიმიყვანს მე ღმერთთან, რომლისთვისაც მე ვცხოვრობ“.

ამის გამგონე მოდესტმა, იმპერატორ ვალენტისთან სიტყვა-სიტყვით მიიტანა წმინდა ვასილის წარმოთქმული და მის გაცეცხას საზღვარი არ ჰქონდა, როდესაც სულ სხვა სურათის მომსწრე შეიქმნა. იმპერატორი ღრმა პატივისცემით განიხსტყვალა წმინდანის მიმართ და სასწრაფოდ გასცა განკარგულება თავი დაენებებიათ მისი დევნისათვის.

წმინდა ვასილი დიდმა მთელი თავისი ცხოვრება ქრისტესადმი უანგარო მსახურებასა და ღარიბ-ღატაკების თანადგომაში განვლო. მანვე დიდ განძად დაგვიტოვა უბრწყინვალესი ქადაგებანი და შეადგინა წირვა, რომელსაც დღესაც იყენებს მართლმადიდებელი ეკლესია.

წმინდა ვასილი დიდი გარდაიცვალა 379 წელს.



პოეზია

უჩა ღონლაქი

აქედან ტყე მეჩხერდება, დამრჩა ბოლო ხევი,
უნამუსო ბუსუსები მივლის ბალახივით,
ბოლო ხესთან ორი შველი ნახატს გაეს და მინდა, -
მართლა იდგეს...სურვილებს ხევეს მხარზე მკლავს ამინდი,

ქარი თუთიდან ფოთლის ლექსებს ყოველდღე თარგმნის
სალოსივით,
ყოველდღე ხეზე გასულ თვალებს მიჭრელებს ფერთა
მგზნებარება,

მთაში მივდივარ, მონყენილი ცხენი ხალისობს, -
გზას ბილიკი ცვლის, ცოტა მერე ბილიკს - შენი თმა,
ცელზე გადააქეთ აბეზარი ფიქრი სალესებს,

თვალებს თუ დახუჭავ, კოცნა ვით პეპელა
წამწამზე ჯოტად მანამდე გეჯდება,
სანამ არ გაახელ ლამაზო მხლებელი
და სანამ არ მეტყვი, სადა ბეჭდები?

შენი ცრემლის ფაცხის ქვემოთ, ცისკრის გაშლილ
მდინარეზე

დევის ჭიკჭიკის შეკიდული, კონიალა ხიდი,
ვითომ შენი სული არის,
ისე არ ჩანს ჩიტი,
მოხუცებულ ცას აბავშვებს ოცნებების ტკბილეული,

ქორწილში ალბად უნებურად ერთი ოცნება გამოვტოვე, -
ძვლების საშველი აღარ არის, არ იქნა ბუხრის გახურება,
კარებს ვერ ვაღებ, საფიქრალმა გულამდე ისე ჩამოთოვა,

ავონებს ეშმაკს ქვაზე დახატულს,
მთებში ბელების ნაბელი ქარი
და პირჯვარივით იწერს ნაკადულს

იმედის ტკბილ და დიდ-დიდ აბებს ყლაპავდი წუხელ,
ახლა გვერდითი მოვლენები გტანჯავენ, ბოლთას
ცემს შენი ჩრდილი, შენ დაყვები, განუხებს მუხლი
და უმზერ ცაცხვთან როგორ ელის სიყვითლე ფოთოლს,

მამშივდება შენთან ეს სიახლოვე:
მზე იკრიფება, როგორც მაღლარი,
ცა სულის უფრო სამოსახლოა,
ვიდრე ცისფერი ნამოსახლარი,



სალგვდორ დალის ნახატი

შენზე ფიქრს ნელ-ნელა ვეჩვევი,
მთაში ვარ, სერიდან ვეშვები,
გთხოვ, ნულარ ჩამიყვან წყაროზე
და სულით ამივსე პეშვები...

რატომ დახარე თავი, მითხარი,
კანკალით რატომ შეგიჩინე მხრები?
მარტოსული ხარ ახლა, ვით ქარი,
თუ ნაჭერივით ნატვრისხეს წყდები?

ქარი აქამდე ვერ ამოვა, ქარიყლაპია ეჭვები კი
დიდი ხანია დავიჭირე და მეზობლის ძალს შევაჭამე,
უაზროდ სულ რო ვილიმები - ელეს არ მოსწონს ჩვევა
ჩემი,
ელეს ვუყვარვარ, შუბლშეკრული ზოგჯერ ცოტა ხნით
რო ვეშვები...

მგზავრები მოჯადო-
ებულებივით მისჩე-
რებოდნენ სამების ეკ-
ლესიას. ოდნავ მოშორებით მდგარი ლელთ
ლუნია სიამაყის გრძობით, გაცისკროვნებუ-
ლი მზერით, შესცქეროდა განციფრებულ სა-
ხეებს. ბავშვები ცხენებიდან ჩამოსვებს და ყვე-
ლამ ტაძრისკენ გასწავა. მოხევემ ცხენები იქვე,
ბუჩქზე მიაბა და ჯვრულს წინ გაუძღვა. გალა-
ვანს გასცდნენ და სამრეკლოს ძირში, ტაძრის
ეზოში შესასვლელ კართან შეგროვდნენ. ამ
დროს იქიდან სამი უცხოელი გამოვიდა. შორ-
ტები ეცვათ, საკმაოდ ასაკოვანი ჩანდნენ.

წელზე ხანჯლები ეკიდათ. არ უხდებოდა უც-
ხოელ მოხუცებს ქართული ხანჯალი. ლელთ
ლუნია სიამაყის ღიმილი სიმწრის ღიმილში
გადაუვიდა, მთელი ტანით დაიზაფრა, ყელ-
ზე ძარღვები დაეებრა. შემდეგ უცხოელების
თანმხლებ ახალგაზრდასთან მივიდა, ხელი
მკლავში ნაავლო, თავისკენ მიიბრუნა, თვალი
თვალში გაუყარა და ჰკითხა: - „სხვა მილეთის
ხალხზე, საიდან ქართველთა სატყეარ?!“ -
ქვემოთ, ყაზბეგში იყიდეს, - მიუგო გაკვირ-
ვებულმა უცხოებმა. მოხევემ მას ხელი გაუშვა,
ცაში გამოკიდებულ მყინვარწვერს შეხედა და
გაქეპავებულმა ნაიჭურულა: „მახევემ ხმალი

ხან თერგს, ხანაც მყინვარწვერს, რომელმაც
დამჯერი შვილივით მოხვევის სიტყვას ყური
უგდო და ნისლის ფარდის უკან დაიმალა. -
ეკლესიაში შევიდით, - სიტუაციის განმუხტ-
ვა სცადა იამ. ყველამ ტაძრის შესასვლელთან
მოიყარა თავი. მოხუცებული მესცქეროდნენ
ხუროთმოძღვრის მიერ კარის ირგვლივ ლა-
მაზი ორნამენტებით გრეხილ-ხვეულ ჩუქურ-
თმას. - შეხედეთ, - თითი გაიჭვირა სალომ
ჩუქურთმის თავზე, ქვის ნაპრაღში ამოსული
მინდვრის შრომანისკენ, რომელიც თავმო-
წონედ, ალბათ, ღიმილით, ეგებებოდა იქ მი-
სულ სტუმრებს...

"ლეხო, არ დაიხრებნი!"



არბამ აკოფაშვილი

ჩემი ისტორია

ყველა ჩვენ დროის ბოეშეები, ვიყავით ბედით დამწვარი, სწავლისთვის მოწყურებული ვის ესმის ჩვენი ამბავი. თურქთაგან შევიწინებულსა ღამეც კი აღარ გვეძინა, სანერვი კალმის მაგივრად, ჩვენ ხმელი ჯოხი გვეჭირა. მივატოვებდით სახლებსა, თავს სად რას შევაფარებდით, ნაწილი უღრან ხევებში, ცას საბნად დავიფარავდით. ასე ნავიდა ის დრონი, იყო ტანჯვა და გალია, ბევრმა ვერ შეძლო ეს ტანჯვა, ზოგამაც კი სული დალია. ხშირად ჩვენ მინდვრად ვათევდით, ხან კავი ხელით გვეჭირა, ტანჯვით და შრომით დალილებს გუთანის კვალში გვეძინა.

ათას ცხრაას თვრამეტ წელსა სული მოვიდა ყელშია, კაცობრიობამ არ ნახის, რაც ვნახეთ ჩვენ იმ დროშია. იმ დღეს, სალამო პირასა, თურქეთი შემოდოდა, სოფელი ყველამ დატოვა, ხმა აღარ გამოდოდა. მამამ უთხრა თავის ძმასა, ცრემლით ნუ ამომღვრევ თვალსა, ცოლ-შვილი ვალეს გაიყვა, შეახიზუნე ნათესავსა. – ოჰ, რას ამბობ, ჩემო ძმაო, ახლა ხომ სალამო ჟამია, აგერ, სოფელში შემოდის თურქეთა ურიცხვი ჯარია. – რასაცა ვეტყვი, გაიგე, და იარაღი აიღე, ცოლ-შვილი ურემზე დაისვი, ნაწილი ბევრი ნაიღე. ამ ძმების დავა-კამათში დიდი დრო გადიოდო, სალამო ახლოვდებოდა, და მზე კი ჩადიდოდა. – შვილო, არტემა, აქა ხარ? – ნუ გეშინია მტრისაო, კარგი ხარები შეაბი,

ეს დასვი ურმის ყელსაო. ასე დავტოვეთ ოჯახი, ჩავედით სოფლის ბოლოსა, მთელი ამ ხალხის ცრემლები ნაკადულს ჰგავდა, – წყაროსა. ორღობე გამოვიარეთ, მოვედით ხოდაბუნსაო, თურქები შემოგვეყრება და ის მოგვიკლავს გულსაო. კორაშნის სერზე ავედით, იქ კი დიდი დრო გადისო, სამარილეზე გავხედეთ, თურქეთის ჯარი მოდისო. ერთი ურემით მივედივართ, სხვა არვინა გვყავს მამშველი, ეს ბიძაჩემი მოგვეყვება, ის არის ჩვენი დამცველი. თურქეთის ჯარმა შეგვხედა, და ავეტიცხა სროლაო, გზა უნდა გადაეკეტათ, ტყვეთნა წავესხით ყველაო. ბიძაჩემი კი ამბობდა, რა ვუყოთ ამ წვრიშვილსაო, თურქებთან ბრძოლა, შიშებმა ყველა დაყარა ძირსაო. ვალემ შეკრიბა სულ ყველა რაც მამაკაცი ჰყავდაო, – ისე დაიცვა სოფელი, ციხესიმაგრეს ჰგავდაო. ამ ჩვენსა გაჭირვებასა იქიდან ყველა ხედავდნენ, რომ ჩვენი თავი დაეხსნათ შიშითა ვერას ბედავენ. ვალის წყლის აქეთ ჩვენა ვართ, ვალის წყლის იქით – ისინი, ურმის კოფოზე ესტირევიართ, – აბა, თუ ვინმე გვიშველის? სტეფანე ერქვა სახელად, ლალობათ ლაპონიაო, თურქეთის ჯარი ერთ ურემს ბუზივით დაჰფენიაო. ბიჭო, ნამოდი, მომყევი, ეს ჩვენი ვალი მოვიხსნათ, ის ხალხი გასაჭირშია, იქნებ ვუშველოთ, დავიხსნათ. ქართველი ქალი ტიროდა, ცრემლმა მატკინა გულიო, ნუთუ ექნება ჩვენს ტანჯვას ოსდესმე დასასრულიო? დღე-ღამე ვძივართ ბნელ კუთხეს, მოგვნატრდა მზისა ნათელი, ნეტავ ოდესმე ყოფილა, ხალხის ნამება ამდენი?!

ადიგენი, სოფ. უდე

მ ა დ ლ ო ბ ა

გაზეთ „ლიტერატურული მესხეთის“ რედაქცია, მადლობას უხდის შპს „არალის“ დირექტორს, ბატონ **ოთარ თათაშვილს** ფინანსური დახმარებისთვის.

პეტრეს სარდაფი



„სამონადი“

ლუბა ქეშეშევა ახალციხის სატყეო მეურნეობაში „დისპეტჩერად“ მუშაობდა. ქვრივი ქალი იყო. დილაადრიან მოდიოდა სამსახურში, მძლოლებს საგზურებს უწერდა და სახლშიც ადრე ბრუნდებოდა. ხუთშაბათი დღე იყო. მძლოლები ლუბას ელოდნენ, ლუბა კი არ ჩანდა. ამასობაში დირექტორიც მოვიდა. უსაქმურად მდგომ მძლოლებს გადახედა და უსაყვედურა, სამუშაოზე დროზე რატომ არ გახვდითო. – ლუბას ველოდებითო, – უთხრეს მძლოლებმა. კარგა ხნის დაგვიანების შემდეგ, ლუბაც გამოჩნდა და პირდაპირ დირექტორის კაბინეტში შევიდა, დაგვიანებისთვის ბოდიშის მოსახდელად. – მაპატიე, ნიკალაევჩი, დროზე ვერ მოვედი, საქონელმა არ გამომიშვაო. სატყეოში ერთი მძლოლი ჰყავდათ, ზედმეტ სახელად „საქონელს“ ეძახდნენ, – უხეში, დაუფიქრებელი

კაცი იყო, სულ იგინებოდა. დირექტორს ეგონა, ალბათ წუხელის ესენი ერთად იყვნენ, დილით თვითონ ნამოვიდა სამსახურში, ლუბა კი გზაში მიატოვაო. დირექტორმა თავისთან დაიბარა „საქონელი“ და უსაყვედურა: შე კაი კაცო, ქალის გზაში მიატოვებაროგორ შეიძლება, შენ რომ მოდიოდი სამსახურში, ის ქალიც ნამოგვეყვანაო. ლუბა მაშინვე მიხვდა, დირექტორი რას ფიქრობდა მასზე და საშინლად აწინმატდა: მე ამ „საქონელზე“ კი არა გელაპარაკები, არამედ, ნამდვილ საქონელზეო. თურმე მეურნეობის მსხვილფეხა პირუტყვი იალაღებისკენ მიჰყავდათ და გზა გადაუკეტიათ. დირექტორი მიხვდა თავის შეცდომას, ბევრი უბოდიშა ლუბას და ძლივს შეირიგა.

ნოდარ ასპანიძე



გარდაიცვალა... არა, მართლაცდა მოკლე წუთის სოფლიდან ვრცელ სოფელში – უკვდავებაში გარდასახა შერმადინ ქალდანი! კაცი პოეტი! კაცი სინდისი, უბრალოდ – კაცი!!! მართალია, შენი დარი ადამიანებისთვის სიკვდილი არ არსებობს, მაგრამ, მაინც ძნელია უშენობა... ეს ყოველგვარი პათეტიკის გარეშეა. შენ მეტი გეკუთვნის, მაგრამ ზოგჯერ სიტყვაც კი უძღურია... მშვიდობით იყავ და დროებით ძმაო!

ოთარ ზარიძე, ელდინო საღარაძე, დალი ყარაულაშვილი, მარინა თათაშანიძე, თამარ ლომიძე, ქეთევან დომიძე, თამარ ზარჩუაძე, მაცვალა ლიპარტელიანი, ზურაბ ქობალია, ამირან ჯგუშაძე, მერაბ სადღოშელაშვილი, რეზაზ აპოხინიძე, მერაბ გურიძე, ამთანდილ გურიძე, რამაზ გურაძე, ვახტანგ ინაური

გასცდა, გადალახა საზღვარი

გასცდა, გადალახა საზღვარი, გული გადაეგვს ნაღველით, გლოვობს ჯიშ-ჯილაგი ქალდანის, სულში ჩაელვარა ნათელი. გასცდა, გადალახა საზღვარი, ალბათ, შეუერთდა ვარსკვლავებს, ცაში შეეგება მყვარი, უფალს მისი მოსვლა ახარეს. გული ნაფლეთ-ნაფლეთ გვარჩუქა, ზეცამ გასვლის ნამი აცნობა, თავზე დაელვარა ცა შუქად, მინას დაუტოვა კაცობა. გული გაუჩრქა ტკივილმა, სული მისი გახდა ცის მგზავრი, ალბათ, საუფლოდან ჩივილად ლოცვებს კვლავ ლექსებად გვიგზავნის. იშლება ქელების სუფრა და... ნეტავ, შერმადინი სად არის, მას ხომ თამაობა უყვარდა, ტირის მწერლის სახლთან ჭადარი. პეი, ძმებო! ჩვენო სვანებო! ზეცამდე ასნიეთ ყანწები, თმები გაიშალეთ ქალებო! შერმადინისთანა კაცები არა! არ კვდებიან, ცოცხლობენ, უკვდავნი რჩებიან მარადღეამს, ერწყმიან მითებსა და მოთხრობებს, დრო მას ვერასოდეს დამარხავს. უამი მაღალ ძეგლებს აუგებს, ძეგლებს დაუნგრევებს, ასწლიანს, გზებზე ია-ვარდი დაუგეთ, ის ხომ ბუმბერაზი კაცია. გასცდა გადალახა, საზღვარი, სული, სული შქონდა ბროლისა, შესვით მოგონება ქალდანის, ხსოვნა! უპირველეს ყოვლისა!

დალი ყარაულაშვილი

გაზეთ „ლიტერატურული მესხეთის“ რედაქცია ღრმა მწუხარებით იუწყება, რომ გარდაიცვალა ცნობილი ქართველი პოეტი, დიდი მამულიშვილი

შერმადინ ქალდანი
და სამძიმარს უცხადებს განსვენებულის ოჯახს

დამფუძნებლები: შოთა რუსთაველის სახალხო მუზეუმის აღორძინების რესპუბლიკური ფონდის სახელით და კერძო პირის სტატუსით **აპთანდილ გურიძე**; **საქართველოს მწერალთა კავშირის სამცხე-ჯავახეთის რეგიონული განყოფილება**, ა(ა)იპ-ი ახალციხის სახელმწიფო სასწავლო უნივერსიტეტი

გაზეთი რეგისტრირებულია ასპანიძის რაიონის სასამართლოს მიერ 1998 წლის 15 ოქტომბერს. სარეგისტრაციო № 19/4-17

ქ. თბილისში გაზეთ „ლიტერატურული მესხეთის“ შექმნა შეგიძლიათ თავისუფლების მოედანზე – ალ. პუშკინის ქ. №5-ის წინ, მეტრო „თავისუფლების“ გამოსასვლელთან და საქართველოს რაიონებში – „საქპრესის“ ჯიხურებში

გაზეთი აიწყო და დაკაბადონდა **„კოლორ-პრინტში“** მისამართი: ქ. თბილისი, საბურთალოს 43ა ტელ: 2-93-27-66

რედაქტორი ავთანდილ ბერიძე
სარედაქციო საბჭო:
მერაბ ბერიძე, დურმიშხან ბერიძე, რამაზ ბერაძე, სერგო მელიქიძე (პასუხისმგებელი მდივანი), ვახტანგ ინაური

გაზეთი დაიბეჭდა შ.პ.ს. „საარის“ სტამბაში.
მისამართი: ქ. თბილისი, თევდორე მღვდლის 57.
ტელ: 94-14-32

რედაქციის მისამართი: 0500, დაბა ასპინძა, თამარის ქ. № 3, ტელეფონები: მთავარი რედაქტორის: 99 97 95524, პასუხისმგებელი მდივნის – 99 23 35584; lit_meskheti@yahoo.com